

Goibekokale

ELGETA / Barikua / 2004ko maiatzaren 28a / 187. zenbakia

KOORDINATZAILEA: Oxel Erostarbe • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com

Udalean dagokion zinegotzia eskatu du plataformak

IRATI AGIRREAZALDEGI

Udal hauteskundeak egin zirenetik urtebete bete da aste honetan, eta herri plataformetako kideek udalean ordezkariarik ez dutela salatzen protesta ekintzak egin dituzte asteon. Elgetan kontzentrazioa egin zuten martitzen iluntzean plazan.

Maiatzaren 25ean urtebete bete zen azken udal hauteskundeak egin zirenetik. Herri plataformek ezin izan ziren aurkeztu orduan, eta urtebete joan den honetan, oraindik ere udalean lekuriak ez dutela salatzen kontzentrazioak egin dituzte.

Hala, *Demokrazia Euskal Herriarentzat* lelopean Elgetako plazan 15 lagun elkartu ziren, tartean Elgeta Auzolanian plataformako kideak eta baita Aralar alderdiko zinegotziak ere.

Udalean Elgeta Auzolanian Plataformakoek badute hitza, eta informazioa ere jasotzen dute, baina euren ezin dute botorik eman.

Parte-hartzearen gainean izan da elkarrizketarik Udaleko alderdien artean, baina erabakirik ez



Plazan 15 lagunek elkarretaratzea egin zuten martitzen iluntzean.

da hartu. Beraz, orain urtebete-ko egoera berean jarraitzen dute.

Elgetako Aralarrek uste du plataformak herritarren babasaren arabera presentzia izan

behar duela Udalean. "Boronda-tea egonez gero, badaude aukerak Auzolanian-ek erabakiguneetan botoarekin parte hartzeko", esan dute Aralarroek.

KIROLA

Bihar Ibarreko Pilota Txapelketako finalak

I.A.

Debagoieneko kirol txapelketa zirkuituen baitan lau t'erdiko binakako pilota txapelketa dago jokoan Elgetan. Joan zen aste-buruan finalerdiak jokatu zituzten ibarreko pilotariak eta bihar, zapatua, finalaren txanda izango da. Hirugarren eta laugarren postuak erabakitzekeo partiduak ere jokatu dira.

Finalerdietan Jabier Isturizek eta Ibai Redondok 8-22 galdu zuten Juantxu eta Unai Uriarteren aur-

ka. Eta bigarren partiduan, Orue-rasagastik eta Larrañagak 22-14 irabazi zieten Lizarralderi eta Uribarreni.

Hirugarren eta laugarren posturako partidua Isturiz-Redondo eta Lizarralde-Uribarren bikoteek jokatu dute; txapelketa erabakitzekeo partidua, berriz, Orue-rasagasti-Larrañaga eta Juantxu-Unai Uriarte bikoteek.

Lehenengo partidua 11:30ean jokatu da eta finala 12:30ean. Sari banaketa, berriz, 13:15ean egingo dute.



Orue-rasagasti eta Larrañaga (ezkerrean) biharko finalean izango dira.



Ardo dastatze ikastaroa abian

Astelehenean 15 elgetarrek ekin zioten ardo dastatze ikastaroari. Iluntze aldera Ozkarbi Elkartearen bi orduko saioak egingo dituzte maiatzeko eta ekaineko hainbat egunetan. Azken saioa ekainaren 10ean izango da. Ardoa egoki nola dastatzen den irakatsiko die Guillermo Castaños enologoak. Parte-hartzaileek zenbat ikasiko duten ez dakigu, baina eskolek alde praktikoa ere badutenez, ikastaroaren aitzakian ardo mota ezberdin asko probatuko dituztela bai. /I.A.

LABUR

Kirol instalazioen gaineko bilera ekainaren 8an

Udal Kirol Zerbitzuak deituta, datorren ekainaren 8an, martitzena, bilera izango da iluntzeko bederatzieta liburategian. Kirol instalazioek eta bereziki pilotalekuak duten berritzeko beharra ikusita, proiektu bat egin nahi du Udalak. Horretarako, aurrez herritarrekin hitz egin nahi du, gai horren gainean duten iritzia jakiteko. Bilera irekia izango bada ere, dei berezia egin nahi diete alderdi politiko, kirol talde eta eskolako ordezkariari, baita herritako kirol-zaleei ere.

ELKARRIZKETA

IZASKUN OJANGUREN/KANTARIA

“Nire kantuen letrek sentimenduak azaltzen dituzte”

I.A.

Izaskun Ojanguren 21 urteko elgetarrak urte batzuk daramatza gitarra hartu eta kantuan. Jendaurrean lagun artean baino ez du abestu. Orain, maketa bat grabatu berri du, eta jaietan herritarren aurrean joko duela aurreratu digu.

Nolatan hasi zinen musika-gintzan?

Hasieran nire kontura hasi nintzen etxean gitarrarekin. Gero abestiak egin nituen eta baita lagunek emandako letrei musika jarri ere. Gustuko dudalako hasi nintzen eta orain eguneroko gauza bat da nire bizitzan. Etxean askotan jotzen dut gitarra, egunean ordubete gutxienez.

Zein motatako musika egiten duzu?

Oraindik ez dut oso zehaztuta, baina musika lasaia jotzen dut gitarra akustikoarekin. Gurako nuke aurrerago talde batekin jardun eta kantuei mugimendu handiagoa eman. Orain ez daukat

“Elgetako jaietan, gaztetxean joko dut lehenengo aldiz jende askoren aurrean”

apenas astirik, baina denborarekin nahiko nuke pop-rock talde batean jo. Izan ere, nik egiten ditudan letra eta melodiendako egokiena litzateke.

Abestien letrak zuk egiten dituzu eta baita lagunek ere. Zein gai lantzen dituzte kantuek?

Gehienetan sentimenduak. Izan ere, letrak egiteko orduan momentuan gertatutako gauzetan inspiratzen naiz. Bestalde, beste kantu batzuk idazle ezagunen poemetan oinarrituta egin ditut. Maketan bederatzi abesti grabatu ditut, baina guztira 12 kantu dauzkat eginak. Guztietan musika nirea da eta letrak bi edo hiru kanturenak.



Nola bururatu zitzaizun maketa bat grabatzea?

Bizikide batzuek Andoaingo Irudi eta Soinu Eskolan ikasten dute, eta estudio bat daukan lagun batek grabatzeko aukera eman zidan. Egun batean dena graba-

tu genuen. Orain produkzio lana falta da, baina ongi aterako dela uste dut.

Maketa hori eskuratzeko aukerarik izango da?

Oraingo ez dut horretan pentsatu. Niretzako egindako gauza

bat egitea zen asmoa, eta eskatu didaten lagunei ere emango diet. Aukera sortuz gero agian salduko dut.

Lagun artean banatuko duzula diozu. Zer esaten dizute lagunek horren gainean?

Denek esan didate orain artean nolatan egon naizen isilik. Etxean ere sei hilabetean gitarra jo gabe egon naiz, eta entzun nautenean eurek animatu naute maketa grabatzera.

Jendaurrean abestu duzu?

Eskolan jo izan dut inoiz, eta orain dela urte batzuk Elgetan, Egin-en aldeko jai batean ere jardun nuen. Bestela, lagunak aurrean, jende gutxiren artean baino ez dut jo gitarra.

Noizko kontzertu bat Elgetan?

Elgetako jaietan joko dut domekan. Ordubete inguruko kontzertua izango da gaztetxean. Nik bakarrik jardungo dut nire gitarrarekin eta nire ahotsarekin. Herritarren aurrean jotzeak erreparatu pixka bat ematen dit, eta urduri joango naiz, baina hala ere, ahal dudana emango dut.

JAIK

Sokatira proba berezia Asentzio Egunean

I.A.

Jende asko elkartu zen domekan Asentzioko putzuaren bueltan, Asentzio eguneko ekitaldietan. Txirrindulari lasterketa, meza, dantza taldeko gaztetxoaren emanaldia eta bazkaria izan ziren, besteak beste.

Txirrindulari lasterketan Andoni Errasti izan zen lehenengo, baina txirrindulari motelena ere saritu zuten: Eneko Maguregi, hain zuzen ere.

Baina dudarik gabe ikusmin handien herri kirolek sortu zuten. Goizean hainbat proba izan ziren, eta arratsaldean sokatira berezia izan zen Asentzion.

Iban Retolaza, Eñaut Arantzeta eta Gorka Arizmendiarrak putzuaren alde batetik eta Sebastian Arantzabal, Juan Ramon Garitano eta Etor Sarasua bestetik putzu guztia zeharkatzen zuten soka luze bati tiraka jardun zuten.

JUAN RAMON ETA ETOR PUTZURA

Sebastian, Juan Ramon eta Etor larri ibili ostean, labaindu eta azken biak putzura jausi ziren. Eskuak sokari lotuta zituzten lehian ziharduten sei lagunek. Hala ere, Sebastian askatu, eta ez zen busti. Izan zen putzura bota nahi izan zuenik ere, baina ez zuten lortu.



Sebas Arantzabal, Juan Ramon Garitano eta Etor Sarasuak sokatiran galduta zuten.

ARETO FUTBOLA

PARTIDUAK

Maiatzak 29, zapatua
15:00: Komando Piperrak-Txapela.
La Kokotxa
16:00: La Kokotxa-Makanaki
Txapela
17:00: Spias-Ariñiketan.
Makanaki

EMAITZAK

Spias-La Kokotxa 5-4
Makanaki-Vicios 0-7
Komando Piperrak-Ariñiketan 0-6

SAILKAPENA

Taldea	P	J
1. Ariniketan	8	4
2. Vicios	7	5
3. Makanaki	4	4
4. Txapela	4	4
5. Komando Piperrak	5	4
6. Spias	4	3
7. La Kokotxa	4	0



RECYDE, S.A.

Pagotza pol. ind. 20690 ELGETA, Gipuzkoa
Tel. zentrala: 943 78 80 00. Faxa: 943 78 90 10
Posta elektronikoa: recyde@recyde.es

AENOR



Enpresa Erregistratua

ER-0182/2/95

ISO 9002
QS 9000
ISO/TS 16949

JAR EZAZU
HEMEN
ZURE
PUBLIZITATEA

Goibekokale



Laster solariuma



Plaza Andra Mari 2
Tel. 943 76 81 97
20690 Elgeta

ERRETRATUZAHARRA

Koadrilen arteko lehiaketa Pazkoetan, 1965. urtean

Ia 40 urte dauzka ondoko argazkiak. Sasoi hartan koadrilen arteko lehiaketa egiten zen Pazkoetan, eta herriko koadrilak mozorrotuta ateratzen ziren Pazkoetako martitzenean. Ondoren, estanpen lehiaketak koadrilen arteko lehiaketa ordezkatu zuen, eta harrera bikaina izan zuen ekimen hark ere. Orduko gazteek gogoratzen dutenez, giro bikaina izaten zen.

Gaur egun ez da horrelakorik egiten, baina girorik ez da falta izango aurtengo jaietan. Lagunartean ondo ibiltzeko gogo biziz ibiltzen dira koadrila guztiak. Kanpotik ere jende ugari etorriko da ziurrenik.

Aste honetako erretratu zaharra 1965eko ekainean aterata dago. Hauek dira bertan azaltzen direnak, ezkerretik eskumara:

Zutik: Francisco *Pantxo* Mazorriaga, Jon Gurutz *Kuxito* Gallastegi, Begoña Muruamendiaraz, Maria Eugenia Igartza, Arantxa Muruamendiaraz eta Javier Otaño.

Makurtuta: Kontxi Azkarate eta Angel Gallastegi.

Argazkia: Jon Gurutz Gallastegi (Bergarako Udal Artxiboa).

**ADI, IRAKURLE!**

Zure erretratu zaharra argitaratzea nahi izanez gero, zatoz BERRIGARAra (Irizar jauregia, Barrenkalea 33) edo Elgetako kultura etxera. Zain gaituzu!

- Planoen handitzeak eta txikitzeak
- Ploteoa eta Ecaweo
- Plastifikazioak DIN A4/A3 eta posterrak
- Koloretako fotokopiak
- Eskaneatzeak koloretan makina digital bidez
- Bulego materiala
- Fax publikoa
- Enkuadernazioak

E L K A R Fotokopiak

Gora Pazkoak!

e-posta: elkarcopias@terra.es
Artekale 1 • Tel.: 943 76 02 02
Tel./Faxa: 943 76 58 16

**HORTZ KLINIKA**

Silvana Caviglia doktorea
Simon Arrieta plaza 3, 2. Tel.943 76 38 54 BERGARA

ASEGURUAK

• Sermesa
• Pakea
• Grupo Eroski

• Ibersalud Globalcard
• Aegon
• Asepeyo

• Mapfre
• Fremap

• Azkaran
• Previsora

Ondo pasau jaixetan!


ELUSU ERAIKUNTZAK



- Era guztietako eraikuntzak
- Erreformatak

Teilatuak
Sukaldeak
Bainuak
Fatxadak

Baserri eta jauretxeen
erreformetan
eta txaleten eraikuntzan
espezializatuta gaude



Ondo ibili Pazkoetan!


Arruriaga 5
943 76 45 50 Faxa: 943 76 51 45

BERGARA Kafea-Pentsioa



EGUNERO GOIZEKO 7:00etatik ZABALIK
Bidekurutzeta 34, BERGARA 943 76 47 23

Ondo pasau Bergarako jaixak!



Logelak



Kafetegia



Indartsuago.

Mundu-mailan estandar berri bat sortu da Espres-zerbitzuei, merkantzien garraioari eta logistikari dagokienez.

DHL markapean bildu dira Guipuzcoana Euro Express, paketeen alorrean Europako buru dena, DHL Worldwide Express, aireko garraio espresentan munduko buru dena eta Danzas, aireko eta itsasoko zamen alorrean munduko buru dena. Honela are hobea den zerbitzu globala eskaintzeko. Modu honetan eskaintza, zerbitzu eta aukera gehiago jartzen ditugu zure eskura munduko 220 herrialde baino gehiagotan. Zure beharrak edozein direla ere, horiei erantzuna emateko prest gaude. Jar zaitez gurekin harremanetan eta DHLren indar osoa izango duzu zure negozioaren zerbitzura.

DHL Express Bergara
San Juan Erreka 33
20570 - Bergara
Tel.: 943 763 642
Faxa: 943 765 425

MUNDUA MUGITZEN DUGU 